

							sa invaliditetom		
							Na razdjel		
35	02	0027	35020027				Univerzitet u Sarajevu-Institut za genetičko inženjerstvo i biotehnologiju		
							Na ekonomski kod (Izvor 10)		
35	02	0027	35020027	6111		094	Bruto plaće i naknade plaća	44.000	
35	02	0027	35020027	6112	QBA0C2	094	Naknade za topli obrok	3.200	
35	02	0027	35020027	6121		094	Doprinosi poslodavca	2.400	
35	02	0027	35020027	6139		094	Ugovorene i druge posebne usluge	1.500	
35	02	0027	35020027	6139	QBK058	094	Posebna naknada na dohodak za zaštitu od prirodnih i drugih nepogoda	200	
							Na razdjel		
35	02	0029	35020029				Univerzitet u Sarajevu-Institut za istraživanje zločina protiv čovječnosti i međunarodnog prava		
							Na ekonomski kod (Izvor 10)		
35	02	0029	35020029	6112	QBA0D2	094	Naknade za topli obrok	15.000	
							Na razdjel		
35	02	0030	35020030				Univerzitet u Sarajevu-Institut za jezik		
							Na ekonomski kod (Izvor 10)		
35	02	0030	35020030	6111		094	Bruto plaće i naknade plaća	10.500	
							Na razdjel		
35	02	0025	35020025				Univerzitet u Sarajevu-Šumarski fakultet		
							Na ekonomski kod (Izvor 20)		
35	02	0025	35020025	6111		094	Bruto plaće i naknade plaća	63.900	
35	02	0025	35020025	6121		094	Doprinosi poslodavca	6.840	
35	02	0025	35020025	6131		094	Putni troškovi	2.400	
35	02	0025	35020025	6132		094	Izdaci za energiju	3.900	
35	02	0025	35020025	6134		094	Nabavka materijala i sitnog inventara	1.500	
35	02	0025	35020025	6139	QBK054	094	Posebna naknada na dohodak za zaštitu od prirodnih i drugih nepogoda	2.000	
35	02	0025	35020025	6139	QBK055	094	Posebna naknada za podsticanje rehabilitacije i zapošljavanje osoba sa invaliditetom	2.000	
							Na razdjel		
35	02	0027	35020027				Univerzitet u Sarajevu-Institut za genetičko inženjerstvo i biotehnologiju		
							Na ekonomski kod (Izvor 20)		
35	02	0027	35020027	6139		094	Ugovorene i druge posebne usluge	5.000	
							Na razdjel		
							Univerzitet u		

							Sarajevu-Šumarski fakultet		
							Na ekonomski kod (Izvor 30)		
35	02	0025	35020025	6111		094	Bruto plaće i naknade plaća	9.000	
35	02	0025	35020025	6131		094	Putni troškovi	2.000	
							Na razdjel		
							Univerzitet u Sarajevu-Šumarski fakultet		
							Na ekonomski kod (Izvor 50)		
35	02	0025	35020025	6131		094	Putni troškovi	7.865	

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-53755-3/24
13. decembra 2024. godine
Sarajevo

Premijer
Nihad Uk, s. r.

Ministarstvo saobraćaja Kantona Sarajevo

Na osnovu člana 22. tačka d) i člana 23. Zakona o zaštiti na radu ("Službene novine Federacije BiH", broj 79/20), člana 66. st. (1) i (2) i člana 68. stav (1) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), i Akta o procjeni rizika na radnim mjestima i mjestima rada u radnoj okolini, broj 051-25-APR/24 od 24.04.2024. godine, ministar saobraćaja Kantona Sarajevo donosi

PRAVILNIK

O ZAŠTITI NA RADU U MINISTARSTVU SAOBRAĆAJA KANTONA SARAJEVO

POGLAVLJE I - OSNOVNE ODREDBE

Član 1.

(Predmet pravilnika)

Ovim pravilnikom se utvrđuje organizacija provođenja zaštite na radu u Ministarstvu saobraćaja Kantona Sarajevo (u daljem tekstu: Poslodavac), pravila prevencije i zaštite, poslovi s povećanim rizikom, poslovi na kojima se provodi mjera skraćivanja radnog vremena, način utvrđivanja zdravstvenog stanja radnika koji rade na poslovima s povećanim rizikom, i drugih radnika, sredstva i opremu osobne zaštite koja pripadaju radniku, te prava i obaveze i odgovornosti radnika za zaštitu na radu i drugih radnika u ovoj oblasti, kao i druga pitanja od značaja za sigurnost i zaštitu zdravlja na radu.

Član 2.

(Definisanje pojmova)

Pojmovi i izrazi koji se koriste u ovom pravilniku imaju isto značenje određeno Zakonom o zaštiti na radu ("Službene novine Federacije BiH", broj 79/20) (u daljem tekstu: Zakon o zaštiti na radu) i podzakonskim propisima donesenim na osnovu tog zakona.

Član 3.

(Rodna neutralnost izraza)

Izrazi koji se koriste u ovom pravilniku, a imaju rodno značenje, koriste se neutralno i odnose se jednako na oba pola.

POGLAVLJE II - ORGANIZACIJA PROVOĐENJA ZAŠTITE NA RADU

Član 4.

(Obavljanje poslova zaštite na radu)

(1) Poslodavac samostalno obavlja poslove zaštite na radu na mjestima rada u ul. Reisa Džemaludina Čauševića broj 1, u kancelarijama br. 111, 112, 113, 154, 309, 310 i 312, Ul.

Branilaca Sarajeva broj 21, u kancelarijama br. 305, 306, 307, 314 i 315 i ul. Hamida Dizdara broj 1, kancelarije br. 103, 104, 105, 106, 107, 108, 109 i 110 u Sarajevu, u skladu sa Zakonom o zaštiti na radu, Pravilnikom o načinu i uslovima obavljanja poslova zaštite na radu kod poslodavca ("Službene novine Federacije BiH", broj 34/21) i drugim propisima kojima se uređuje oblast zaštite na radu, i u skladu sa Aktom o procjeni rizika na radnim mjestima i mjestima rada u radnoj okolini, broj 051-25-APR/24 od 24.04.2024. godine (u daljem tekstu: Akt o procjeni rizika).

- (2) Stručna služba za zajedničke poslove Kantona Sarajeva za potrebe Poslodavca vrši poslove obezbjeđenja zgrada sjedišta Poslodavca, kao i poslove održavanja i korištenja voznog parka, poslove protivpožarne zaštite, održavanja i zagrijavanja kancelarijskih prostorija, shodno Uredbi o osnivanju Stručne službe za zajedničke poslove ("Službene novine Kantona Sarajeva", broj 31/23).
- (3) Prilikom organizovanja poslova zaštite na radu Poslodavac vodi računa o broju radnika koji je utvrđen Pravilnikom o unutrašnjoj organizaciji Ministarstva saobraćaja Kantona Sarajeva, broju lokacija odvojenih mjesta rada, opasnostima i rizicima po zdravlje radnika.
- (4) Pri obavljanju poslova zaštite na radu Poslodavac osigurava takve uslove na radu kojima se u najvećoj mogućoj mjeri sprječava nastanak povreda na radu, profesionalnih oboljenja i oboljenja u vezi sa radom i koji stvaraju pretpostavke za punu psihičku, fizičku i socijalnu sigurnost zaposlenih.
- (5) Poslodavac ostvaruje zaštitu na radu primjenom svih mjera zaštite na radu u skladu sa opštim mjerama prevencije.

Član 5.

(Saradnja sa drugim poslodavcima koji obavljaju djelatnost na istom mjestu rada)

- (1) Poslodavac putem Stručne službe za zajedničke poslove saraduje sa drugim poslodavcima koji obavljaju djelatnost na istim mjestima rada kao i Poslodavac u ul. Reisa Džemaludina Čauševića broj 1 u Sarajevu, ul. Branilaca Sarajeva broj 21 i ul. Hamida Dizdara broj 1 u Sarajevu u cilju provođenja propisa o sigurnosti i zaštiti na radu, te će sa njima usklađivati aktivnosti u cilju zaštite radnika i sprečavanja rizika na radu.
- (2) Poslodavac će obavještavati druge poslodavce iz stava (1) ovog člana o rizicima na radu.

POGLAVLJE III - PROCJENA RIZIKA I UTVRĐIVANJE POSLOVA SA POVEĆANIM RIZIKOM

Član 6.

(Procjena rizika)

- (1) Poslodavac je u skladu sa Zakonom o zaštiti na radu, Pravilima o procjeni rizika ("Službene novine Federacije BiH", broj 23/21) i drugim važećim propisima izradio Akt o procjeni rizika na mjestima rada koji sadrži opis procesa rada s procjenom rizika od povreda ili oštećenja zdravlja na mjestu rada u radnoj okolini i mjere za otklanjanje ili smanjivanje rizika na najmanju moguću mjeru u cilju poboljšanja sigurnosti i zaštite zdravlja na radu.
- (2) Poslodavac obavještava radnike o rezultatima procjene rizika kao i mjerama kojima se rizici otklanjanju ili umanjuju, a pismenim putem o tome obavještava zaposlenu ženu za vrijeme trudnoće i dojenja, kao i radnika sa promijenjenom radnom sposobnošću.

Član 7.

(Utvrđeni rizici)

- (1) Aktom o procjeni rizika na radnim mjestima kod Poslodavca utvrđeni su sljedeći nivoi rizika:

Redni broj	Naziv radnog mjesta	Nivo procijenjenog rizika
1.	Pomoćnik ministra za prijevoz	Prihvatljiv rizik
2.	Šef Odjeljenja za javni linijski prijevoz putnika	Prihvatljiv rizik
3.	Stručni savjetnik za javni linijski prijevoz putnika	Beznačajan rizik
4.	Stručni savjetnik za utvrđivanje mreže linija i redova vožnje	Beznačajan rizik
5.	Viši stručni saradnik za pravne poslove i upravno rješavanje	Beznačajan rizik
6.	Stručni saradnik za tarifni sistem	Beznačajan rizik
7.	Stručni saradnik za nadzor i upravljanje linijskim prijevozom u Kantonu Sarajevu	Beznačajan rizik
8.	Šef Odjeljenja za taksi prijevoz, vanlinijski prijevoz putnika i prijevoz putnika za vlastite potrebe	Prihvatljiv rizik
9.	Stručni savjetnik za taksi prijevoz	Beznačajan rizik
10.	Stručni savjetnik za pravne poslove i upravno rješavanje	Beznačajan rizik
11.	Stručni saradnik za vanlinijski prijevoz putnika	Beznačajan rizik
12.	Šef Odjeljenja za prijevoz tereta i stajališta javnog prijevoza	Prihvatljiv rizik
13.	Stručni savjetnik za prijevoz tereta	Beznačajan rizik
14.	Stručni saradnik za nadzor nad stajalištima javnog prijevoza	Beznačajan rizik
15.	Stručni saradnik za pravne poslove i upravno rješavanje	Beznačajan rizik
16.	Viši referent za operativno-tehničke poslove	Beznačajan rizik
17.	Pomoćnik ministra za sigurnost, tehničku regulaciju saobraćaja i saobraćaj u mirovanju	Prihvatljiv rizik
18.	Šef Odjeljenja za sigurnost saobraćaja	Prihvatljiv rizik
19.	Stručni savjetnik za sigurnost saobraćaja	Prihvatljiv rizik
20.	Stručni saradnik za sigurnost saobraćaja	Beznačajan rizik
21.	Stručni saradnik za upravne poslove	Beznačajan rizik
22.	Viši referent za operativno-tehničke poslove	Beznačajan rizik
23.	Šef Odjeljenja za tehničku regulaciju saobraćaja i saobraćaj u mirovanju	Prihvatljiv rizik
24.	Stručni savjetnik za privremenu izmjenu režima saobraćaja	Prihvatljiv rizik
25.	Stručni savjetnik za nadzor inteligentnih transportnih sistema	Beznačajan rizik
26.	Stručni savjetnik za tehničku regulaciju mirujućeg saobraćaja	Prihvatljiv rizik
27.	Stručni savjetnik za upravno rješavanje i opšte pravne poslove	Beznačajan rizik
28.	Stručni saradnik za nadzor i funkcionalnost javnih parkirališta	Beznačajan rizik
29.	Pomoćnik ministra za ekonomske poslove, planiranje razvoja i realizaciju projekata	Prihvatljiv rizik
30.	Stručni savjetnik za ekonomske poslove	Beznačajan rizik
31.	Stručni savjetnik za projekte	Beznačajan rizik
32.	Viši stručni saradnik za finansijsko-računovodstvene poslove	Beznačajan rizik
33.	Viši stručni saradnik za strateško planiranje razvoja i pripremu projekata i programa utroška sredstava	Beznačajan rizik
34.	Stručni savjetnik za realizaciju projekata i međunarodne programe	Beznačajan rizik
35.	Stručni saradnik za informisanje	Beznačajan rizik
36.	Stručni saradnik za finansijsko računovodstvene poslove	Beznačajan rizik
37.	Viši referent za ekonomske i administrativne poslove	Beznačajan rizik
38.	Stručni savjetnik za pripremu propisa i drugostepeno upravno rješavanje	Beznačajan rizik
39.	Stručni savjetnik za javne nabavke i opšte pravne poslove	Beznačajan rizik
40.	Viši referent-tehnički sekretar	Beznačajan rizik
41.	Viši referent za administrativne poslove na protokolu i arhiviranje	Beznačajan rizik
42.	VKV - vozač	Prihvatljiv rizik
43.	Ministar	Prihvatljiv rizik

44.	Sekretar Ministarstva	Prihvatljiv rizik
45.	Direktor Direkcije za puteve	Prihvatljiv rizik
46.	Načelnik Odjeljenja za ekonomske poslove i projekte	Prihvatljiv rizik
47.	Stručni savjetnik za ekonomske poslove	Beznačajan rizik
48.	Stručni saradnik za finansijsko-računovodstvene poslove	Beznačajan rizik
49.	Stručni saradnik za finasijske poslove i budžet	Beznačajan rizik
50.	Načelnik odjeljenja za pravne poslove	Prihvatljiv rizik
51.	Viši stručni saradnik za imovinsko-pravne poslove	Beznačajan rizik
52.	Stručni saradnik za opšte pravne poslove i javne nabavke	Beznačajan rizik
53.	Načelnik Odjeljenja za studije, projektovanje, rekonstrukciju i izgradnju puteva i objekata	Prihvatljiv rizik
54.	Stručni savjetnik za izradu studija, projektne dokumentacije i strateško planiranje	Beznačajan rizik
55.	Stručni savjetnik za rekonstrukciju i izgradnju puteva	Beznačajan rizik
56.	Stručni savjetnik za izgradnju i održavanje objekata na putu	Beznačajan rizik
57.	Viši referent za vođenje evidencije	Beznačajan rizik
58.	Stručni saradnik za implementaciju i održavanje GIS sistema	Beznačajan rizik
59.	Načelnik Odjeljenja za zaštitu puteva	Prihvatljiv rizik
60.	Stručni savjetnik za poslove korištenja putnog, zaštitnog pojasa i javnih površina	Beznačajan rizik
61.	Stručni savjetnik za katastar puteva i objekata na putevima i vanredni prijevoz	Prihvatljiv rizik
62.	Stručni savjetnik za održavanje puteva, poslove signalizacije, sigurnosti saobraćaja i prekomjernu upotrebu puteva	Prihvatljiv rizik
63.	Stručni saradnik za pravne poslove i upravno rješavanje	Prihvatljiv rizik
64.	Viši referent za vođenje evidencije puteva, objekata prometne signalizacije i nadzor zaštitnog putnog pojasa	Prihvatljiv rizik
65.	Viši referent-tehnički sekretar	Beznačajan rizik
66.	VKV vozač	Prihvatljiv rizik
67.	Pomoćni radnik-kurir	Beznačajan rizik

- (2) Beznačajan rizik podrazumijeva da je rizik od povrede na radu, oštećenja zdravlja, profesionalnog oboljenja ili oboljenja u vezi sa radom zanemarljiv i da mjere zaštite nisu potrebne.
- (3) Prihvatljiv rizik podrazumijeva da je potrebno poboljšati zaštitu od povrede na radu, oštećenja zdravlja, profesionalnog oboljenja ili oboljenja u vezi sa radom, ako je moguće.

Član 8.

(Poslovi sa povećanim rizikom i poslovi na kojima se provodi mjera skraćivanja radnog vremena)

Kod Poslodavca nema poslova sa povećanim rizikom, niti poslova na kojima se provodi mjera skraćivanja radnog vremena.

POGLAVLJE IV - PRAVILA PREVENCIJE I ZAŠTITE NA RADU

Član 9.

(Provođenje mjera prevencije i zaštite na radu)

- (1) Prilikom provođenja mjera zaštite na radu Poslodavac poštuje opšta načela prevencije propisana odredbama člana 21. Zakona o zaštiti na radu.
- (2) Poslodavac će radnika neposredno prije stupanja na rad, usmeno upoznati sa mjerama sigurnosti i zaštite na radu, a zaposlenu ženu za vrijeme trudnoće i dojenja kao i radnika sa promijenjenom radnom sposobnošću će obavijestiti pismenim putem.
- (3) Radnik ne može zasnovati radni odnos ukoliko prethodno nije utvrđeno da njegovo zdravstveno stanje i psihofizičke sposobnosti odgovaraju zahtjevima određenog radnog mjesta u skladu sa odredbama Zakona o zaštiti na radu i drugim uslovima utvrđenim Zakonom o državnoj službi u Kantonu Sarajevo ("Službene novine Kantona Sarajevo", br. 31/16 i 45/19) i Zakonom o namještenicima u organima

državne službe u Federaciji Bosne i Hercegovine ("Službene novine Federacije BiH", br. 49/05 i 103/21), kao i drugim važećim propisima koji se odnose na zapošljavanje.

- (4) Mjere zaštite koje provodi Poslodavac neće prouzrokovati finansijske obaveze za radnike.

Član 10.

(Preventivne mjere)

- (1) Poslodavac osigurava slijedeće preventivne mjere radi zaštite života i zdravlja radnika:
- održavanje u ispravnom stanju i vršenje pregleda i ispitivanja sredstava za rad,
 - obezbjedjivanje adekvatnih uslova radne okoline,
 - osposobljavanje radnika za siguran i zdrav rad,
 - obezbjedjivanje sredstava i opreme za ličnu zaštitu na radu, njihovo održavanje u ispravnom stanju,
 - upućivanje radnika na sistematske preglede minimalno svake četiri godine kod specijaliste medicine rada,
 - upućivanje radnika na ciljani pregled u ovlaštenu zdravstvenu ustanovu ukoliko se ukaže potreba za tim.
- (2) Poslodavac jednom u dvije godine organizuje obuku i provjeru znanja radnika iz oblasti zaštite od požara u skladu sa odredbama Zakona o zaštiti od požara i vatrogastvu ("Službene novine Federacije BiH", br. 64/09).
- (3) Poslodavac će na mjestima rada istaći pisana uputstva koja se odnose na rizike po sigurnost i zdravlje sa zaštitnim i preventivnim mjerama koje se preduzimaju za otklanjanje ili smanjenje tih rizika, a u slučaju iznenadne opasnosti po život i zdravlje, takvo uputstvo se može dati i usmeno.

Član 11.

(Lična zaštitna oprema)

U skladu sa Aktom o procjeni rizika na radnim mjestima kod Poslodavca nije potrebno korištenje lične zaštitne opreme.

Član 12.

(Upotreba protivpožarnih aparata)

- (1) Stručna služba za zajedničke poslove radnicima obezbjeđuje upotrebu protivpožarnih aparata kao sredstava i opreme zaštite od požara.
- (2) Radnici u toku osposobljavanja za siguran i zdrav rad prolaze posebnu obuku o propisima iz oblasti zaštite od požara, kao i o načinu upotrebe i rukovanju protivpožarnim aparatima i evakuaciji u slučaju požara, kako je to propisano članom 10. stav (2) ovog pravilnika.
- (3) Stručna služba za zajedničke poslove osigurava da se protivpožarni aparati održavaju u ispravnom stanju.

Član 13.

(Periodični pregledi)

- (1) Poslodavac će vršiti slijedeće periodične preglede:
- preglede sredstava rada koja se prvi put puštaju u rad, a naredni pregledi i ispitivanja se vrše najmanje jednom u tri godine,
 - pregledi i ispitivanje električnih instalacija najmanje jednom u tri godine,
 - pregledi i ispitivanje gromobranskih instalacija na objektima najmanje jednom u dvije godine,
 - pregledi i ispitivanja fizičkih, hemijskih i bioloških štetnosti i mikrokline u radnim i pomoćnim prostorijama u ljetnjem i zimskom periodu jednom u tri godine.
- (2) Periodičnim pregledima i ispitivanjima ne podliježu audio i video oprema, oprema za informacionu tehnologiju i uobičajena kancelarijska oprema.

- (3) Preglede iz stava (1) ovog člana Poslodavac vrši putem ovlaštene organizacije koja ima dozvolu Federalnog ministarstva rada i socijalne politike za obavljanje tih poslova.
- (4) Periodični pregledi iz stava (1) ovog člana se vrše u skladu sa Zakonom o zaštiti na radu, Pravilnikom o načinu, postupku i rokovima vršenja periodičnih pregleda i ispitivanja iz oblasti zaštite na radu ("Službene novine Federacije BiH", br. 23/21) i drugim važećim propisima iz oblasti zaštite na radu, kao i propisima o standardizaciji u Bosni i Hercegovini, tehničkim propisima i uputstvima proizvođača.

Član 14.

(Povjerenik za zaštitu na radu)

Poslodavac će imenovati povjerenika za zaštitu na radu i zaposlenika za zaštitu na radu u slučaju ispunjenja zakonom propisanih uslova koji se odnose na broj zaposlenika kod Poslodavca i uvjete rada.

Član 15.

(Osposobljavanje radnika)

Poslodavac će u skladu sa Zakonom o zaštiti na radu osposobiti radnike za siguran i zdrav rad, a poslove osposobljavanja povjerava ovlaštenoj organizaciji iz člana 64. Zakona o zaštiti na radu.

Član 16.

(Savjetovanje i uključivanje radnika)

Poslodavac se savjetuje sa radnicima i njihovim predstavnicima i omogućava im da učestvuju u raspravama o svim pitanjima u pogledu sigurnosti i zaštite zdravlja na radu, a posebno im omogućava da učestvuju u:

- raspravama i odobravanju svih mjera u pogledu sigurnosti i zaštite zdravlja na radu,
- svakoj mjeri koja može značajno uticati na sigurnost i zaštitu zdravlja na radu,
- imenovanju radnika koji će obavljati poslove vezane za obezbjeđenje zdravih i sigurnih uvjeta rada, prve pomoći, gašenje požara i evakuaciju radnika,
- angažovanju, tamo gdje je potrebno, ovlaštenih organizacija za zaštitu na radu,
- planiranju i organizovanju osposobljavanja radnika u oblasti zaštite na radu.

Član 17.

(Radnici za mjere prve pomoći, protivpožarne zaštite i evakuacije radnika)

- Poslodavac će radi provođenja odredbi člana 36. stav (1) Zakona o zaštiti na radu na mjestima rada u ul. Reisa Džemaludina Čauševića broj 1, Ulica Branilaca sarajeva broj 21 i Hamida Dizdara broj 1 Sarajevo, imenovati radnike za mjere prve pomoći, protivpožarne zaštite i evakuacije radnika.
- Radnici za mjere prve pomoći, protivpožarne zaštite i evakuacije radnika će povodom pitanja vezanih za provođenje odredbi člana 36. stav (1) Zakona o zaštiti na radu saradivati sa Stručnom službom za zajedničke poslove u pitanjima koja spadaju u nadležnost te službe.

POGLAVLJE V - OSTALE ODREDBE

Član 18.

(Obavještanje sindikata)

- Poslodavac najmanje dva puta godišnje obavještava Samostalni sindikat državnih službenika i namještenika Kantona Sarajevo kao i Samostalni sindikat državnih

službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine o rizicima po sigurnost i zdravlje i mjerama koje je preduzeo i koje planira da preduzme radi unaprjeđivanja sigurnosti i zaštite zdravlja.

- Obavještenja iz stava (1) ovog člana dostavljaju se sindikatima do 31.07. za prvu polovinu tekuće godine i do 31.12. za drugu polovinu tekuće godine.
- Poslodavac će posebno obavijestiti i savjetovati se sa predstavnicima radnika i sa radnicima nakon smrtno, grupne ili teške povrede na radu, utvrđenog slučaja profesionalnog oboljenja kao i u slučaju da nadležna inspekcija utvrdi nedostatak u primjeni mjera zaštite na radu.

Član 19.

(Vođenje evidencija)

Poslodavac vodi evidenciju o:

- provjeri znanja radnika iz oblasti sigurnosti i zaštite na radu,
- održanim obukama o propisima iz oblasti zaštite od požara,
- izvršenim pregledima i ispitivanjima radne sredine i sredstava za rad,
- povredama na radu, profesionalnim oboljenjima, smrtnim slučajevima i njihovim uzrocima,
- ljekarskim pregledima radnika.

Član 20.

(Sadržaj evidencija)

Evidencije iz člana 19. ovog pravilnika sadrže slijedeće podatke:

- evidencija o provjeri znanja radnika iz oblasti sigurnosti i zaštite na radu sadrži ime i prezime i naziv radnog mjesta radnika, podatke o ovlaštenoj organizaciji i licu koje pruža obuku, datum obuke i provjere znanja, kratak opis sadržaja obuke, napomenu o ishodu provjere znanja kao i druge eventualne napomene,
- evidencija o održanim obukama o propisima iz oblasti zaštite od požara sadrži ime i prezime i naziv radnog mjesta radnika, podatke o ovlaštenoj organizaciji i licu koje pruža obuku, datum obuke i provjere znanja, kratak opis sadržaja obuke, napomenu o ishodu provjere znanja kao i druge eventualne napomene od značaja,
- evidencija o izvršenim pregledima i ispitivanjima radne sredine i sredstava za rad sadrži napomenu o objektu u kojem su vršeni pregledi i ispitivanja, kratak opis radne ili pomoćne prostorije za koju je vršen pregled (broj sprata, broj prostorije, kvadratura i eventualni šematski prikaz pozicije prostorije), podatke o ispitanom sredstvu rada, podatke o ovlaštenoj organizaciji koja vrši preglede i ispitivanja, podatke o rezultatima pregleda i ispitivanja, i eventualnim predloženim mjerama za poboljšanje uslova rada, kao i druge eventualne napomene od značaja,
- evidencija o povredama na radu, profesionalnim oboljenjima, smrtnim slučajevima i njihovim uzrocima sadrži podatke o radniku, kratak opis povrede, profesionalnog oboljenja ili smrtnog slučaja, težinu povrede (lakša, teža, smrtni slučaj), datum i vrijeme nastanka povrede, uzrok povrede, profesionalnog oboljenja ili smrtnog slučaja, podatke o mjerama